

Райисполкомин шиидвриг кўцӧлгъх кергтӧ

Мана газетин 9-ч номерт барлгдсн им нертӧ бичгт, Сарпинск района центр—Садовое селӧнд госн-башмг ясдг мастерской секхма гисн района Советин кўцӧгч комитетин шиидвриг, Сарпинск района промкомбинатин директор ур

П.П. Николаенко эс кўцӧджӧхин тускар бичгдлӧ.

Газетд барлгдсн бичгт келгдсн тоот чик болдж гарв.

Ӗдгӧ цагт Садовое селӧнд госн-башмг ясдг мастерской секгдв,—гидж Сарпинск района Советин кўцӧгч комитетин ахлач ур К. Джендыков мана редакцд сонъсхв.